



SÁMEDIGGI
SÁMITIGGE
SÁÁ'MTE'ĠĠ
SAAMELAISKÄRÄJÄT



Sámediggi
Sámedigge
Saemiedigkie
Sametinget

SÁMEDIKKIT ILLUDIT DAVVIRIKKALAŠ SÁMEKONVENŠUVNNA DOHKKEHEAMI OVDÁNEAMIS

Davviriikkalaš sámekonvenšuvnna válmmaštallan ja ovdáneapmi lea leamaš guhkes proseassa ja dat lea válmmaštallojuvvon davviriikkalaš áššedovdijoavkkus golbma jagi. Konvenšuvdnahápmosa luobaheami maŋjel jagi 2005 davviriikkalaš sámekonvenšuvnna ovddideapmi nogai stáhtaidgaskasaš ovttasbargun máŋgga jahkái. Dál ráđđádallamat konvenšuvnna dohkkeheami várás álget Ruota, Suoma ja Norgga stáhtaid ja guoskevaš riikkaid sámedikkiid ovttasbargun jagi 2011 rájes. Dát mearriduvvui Ruota, Suoma ja Norgga stáhtaid nd. sámeministariid ja guoskevaš riikkaid sámediggepresideanttaid oktasaščoahkkimis odne 22.11.2010 Stockholmmas.

Davviriikkalaš sámekonvenšuvnna dohkkeheapmi lea šihttojuvvon ollašutttojuvvot viđa jagis. Sámedikkit ledje sávvan, ahte ráđđádallamat sáhtále ollašutttojuvvot jođáneappot, muhto ášši ovdáneapmi lea deháleamos. Lea vuorddehahti, ahte ráđđádallamiin šaddet vaddásat. Konvenšuvdna livččii historjjálaš ja dan dohkkeheapmi dárkkuhivččii máilmmi vuosttaš stáhtasoahpamuša šaddama, man ulbmilin lea buoridit máŋgga riikka álgoálbmoga, sápmelaččaid, sajadaga.

Ruota, Suoma ja Norgga sámedikkiid ja Ruošša sámiid ovttasbargoorgána, Sámi Parlamentáralaš Ráđđi (SPR), vuordá davviriikkalaš sámekonvenšuvnna ovddidit sápmelaččaid rájiid rasttildeaddji ovttasbarggu ovdalačča buorebun nu ahte dat lasiha sápmelaččaid oktiigullevašvuoda dovddu ja dahká SPR:s sápmelaččaid oktasaš alimus representatiivvalaš orgána iežas hálddahušstruktuurainis. Vaikko sámedikkit leat davviriikkalaš sámekonvenšuvnna dohkkehanráđđádallamiin stáhta delegašuvnnaid oassin, de sápmelaččain lea oktasaš jietna. SPR ráđđádallá oktan jietnan davviriikkalaš sámekonvenšuvnna dohkkeheami várás. SPR gáibida, ahte davviriikkalaš sámekonvenšuvdna ráđđádallojuvvo ollislašžan ja buot konvenšuvdnaháposa dáhkidan vuoigatvuodat ollašuvvet.

Ruota sámedikki ráđdehusa ságadoalli Ingrid Inga dadjá, ahte lea hui illudahti ahte golbma Sámedikki oassálastet dásseárvosaš oassebeallin ráđđádallamiidda, mii guoská davviriikkalaš sámekonvenšuvnii. Mii vuolgit das, ahte sámedikkiid vejolašvuodat oassálastit ráđđádallamiidda sihkarastojuvvojit sierra stahtaid beales. Dat ahte ráđđádallamat galget leat gárvásat viđa jagi siste, mearkkaša maiddá ahte Ruotta dán áiggis sáhtá almmuhit, áigugo Ruotta nannet ja dorvvastit sámiid vuoigatvuoda iešmearrideapmái, vuoigatvuoda eatnamii ja čáhcai ja luondduriggodagaide álbmotrievtti prinsippaid mielde.

Suoma sámedikki presideanta Klemetti Näkkäljärvi dadjá, ahte Suoma sámediggái ráđđádallamat davviriikkalaš sámekonvenšuvnna dohkkeheami várás lea earenoamáš dehálaččat, daningo Suopma šaddá davviriikkalaš sámekonvenšuvnna bakte dáhkidit sámi ealáhusaid ja kultuvrra suoji dáláža buorebut, čoavdit sápmelaččaid rivttiid eatnamiidda ja čáziide sihke dorvvastit sámediggái dárbahassii buriid resurssaid obanassiige doaibmat. Suopma ii sáhte šat čiehkadit álbmotlaš čovdosa



SÁMEDIGGI
SÁMITIGGE
SÁÁ'MTE'ĠĠ
SAAMELAISKÄRÄJÄT

ohcama duohkáí. Suoma stáhta šaddá čoavdit sápmelaččaid eanan- ja čáhcevuogiatvuodaid manimusat davviriikkalaš sámekonvenšuvnna oassin, nappo viđa jagi siste.

Egill Olli dadjá iežas leat hui ilus go šiehtadallamat bohtet dál johtui. “Nugo diehtit de lea leamaš veaháš soahpameahttunvuohtha šiehtadallanplána ektui, erenoamážit Norggas, muhto go mii dál diehtit ahte lea ovttamielalašvuohtha Suoma ja Ruota sámedikkiid ja daid guoskevaš ráđđehusaid gaskka, de ii galgga johtui bohtin leat Norgga duohken. Áiggun geavahit vejolašvuoda rámiidit Suoma ja Ruota čorgadis ja buori proseassa dihte dán rádjai, ja mielas vuorddán bargagoahtit dáinna historjjálaš doaimmain; oazžut áigái oktasaš sámi konvenšuvnna golmma davviriikkas gos mii ássat.” joatká Egill Olli.

Ingrid Inga
Ruota sámediggi
070 – 773 7762

Klemetti Näkkäljärvi
Suoma sámediggi
+358 50 5242109

Egil Olli
Norgga sámediggi
+47 78 47 40 00